

### 0.0.1 bhaddālisuttam (Excerpt)

1. evaṃ me sutam ekam samayaṃ bhagavā sāvatthiyaṃ viharati jetavane anāthapiṇḍikassa ārāme. tatra kho bhagavā bhikkhū āmantesi bhikkhavoti. bhadan-teti te bhikkhū bhagavato paccassosum. bhagavā eta-davoca: ahaṃ kho bhikkhave ekāsanabhojanaṃ bhuñ-jāmi. ekāsanabhojanaṃ kho ahaṃ bhikkhave bhuñja-māno appābādhaṭṭhaṇṇa sañjānāmi appātaṅkataṇṇa la-huṭṭhāṇaṇṇa balaṇṇa phāsuvihāraṇṇa. etha tumhepi bhikkhave ekāsanabhojanaṃ bhuñjatha, ekāsanabho-janaṃ kho bhikkhave tumhepi bhuñjamānā appābā-dhaṭṭhaṇṇa sañjānissatha appātaṅkataṇṇa lahuṭṭhāṇaṇṇa balaṇṇa phāsuvihāraṇṇcāti.

2. evaṃ vutte āyasmā bhaddāli bhagavantam etada-voca: 'ahaṃ kho bhante na ussahāmi ekāsanabhoja-naṃ bhuñjitum. ekāsanabhojanaṃ hi me bhante bhuñ-jato siyā kukkucam, siyā vippaṭisāroti. tena hi tvaṃ bhaddāli yattha nimantito assasi tattha ekadesam bhuñ-jitvā ekadesam nīharitvā<sup>1</sup> pi bhuñjeyyāsi. evampi kho tvaṃ bhaddāli bhuñjamāno<sup>1</sup> yāpessasīti. evampi kho ahaṃ bhante na ussahāmi bhuñjitum. evampi hi me bhante bhuñjato siyā kukkucam siyā vippaṭisāroti. atha kho āyasmā bhaddāli bhagavatā sikkhāpade paññāpi-yamāne<sup>2</sup> bhikkhusaṅge sikkham samādiyamāne anus-sāham pavedesi. atha kho āyasmā bhaddāli sabban-tam temāsam na bhagavato sammukhībhāvaṃ adāsi

<sup>1</sup>bhuñjamāno ekāsano (machasaṃ)

<sup>2</sup>paññāpayamāne (sīmu)

yathā taṃ satthusāsane sikkhāya aparipūrakārī.

3. tena kho pana samayena sambahulā bhikkhū bhagavato cīvarakammaṃ karonti, niṭṭhitacīvaro bhagavā temāsaccayena cārikaṃ pakkamissatīti. atha kho āyasmā bhaddāli yena te bhikkhū tenupasaṅkami. upasaṅkamitvā tehi bhikkhūhī saddhiṃ sammodi, sammodanīyaṃ kathaṃ sārāṇīyaṃ vītisāretvā ekamantaṃ nisīdi. ekamantaṃ nisinnaṃ kho āyasmantaṃ bhaddāliṃ te bhikkhū etadavocum: 'idaṃ kho āvuso bhaddāli bhagavato cīvarakammaṃ karīyati. niṭṭhitacīvaro bhagavā temāsaccayena cārikaṃ pakkamissatī'ti. iṅghāvuso bhaddāli etaṃ desakaṃ<sup>3</sup> sādhukaṃ manasi karohi. mā te pacchā dukkarataraṃ ahoṣīti.

4. evamāvusoti kho āyasmā bhaddāli tesāṃ bhikkhūnaṃ paṭissutvā yena bhagavā tenupasaṅkami. upasaṅkamitvā bhagavantaṃ abhivādetvā ekamantaṃ nisīdi. ekamantaṃ nisinno kho āyasmā bhaddāli bhagavantaṃ etadavoca: accayo maṃ bhante accagamā yathābālaṃ yathāmūḷhaṃ yathā akusalaṃ, yohaṃ bhagavatā sikkhāpade paññāpiyamāne bhikkhusaṅghe sikkhaṃ samādiyamāne anussāhaṃ pavedesiṃ. tassa me bhante bhagavā accayaṃ accayato patigaṇhātu āyatim saṃvarāyāti.

---

pts page 438

<sup>3</sup>dosakaṃ (sīmu, machasaṃ); desaṃ (syā)

bjt page 176

5. taggha tvam bhaddāli accayo accagamā yathābālam yathāmūlham yathā akusalam, yaṃ tvam mayā sikkhāpade paññāpiyamāne bhikkhusaṅghe sikkham samādiyamāne anussāham pavedesi.

6. samayo'pi kho te bhaddāli appaṭividdho ahosi, bhagavā kho sāvattiyam viharati. bhagavā'pi maṃ jānissati bhaddāli nāma bhikkhu satthu sāsane sikkhāya aparipūrakārīti. ayampi kho te bhaddāli samayo appaṭividdho ahosi.

7. samayo'pi kho te bhaddāli appaṭividdho ahosi. sambahulā kho bhikkhū sāvattiyam vassam upagatā, te'pi maṃ jānissanti: 'bhaddāli nāma bhikkhu satthusāsane sikkhāya aparipūrakārī'ti. ayampi kho te bhaddāli samayo appaṭividdho ahosi.

8. samayo'pi kho te bhaddāli appaṭividdho ahosi. sambahulā kho bhikkhuniyo sāvattiyam vassam upagatā, tā'pi maṃ jānissanti: 'bhaddāli nāma bhikkhu satthusāsane sikkhāya aparipūrakārī'ti. ayampi kho te bhaddāli samayo appaṭividdho ahosi.

9. samayo'pi kho te bhaddāli appaṭividdho ahosi. sambahulā kho upāsakā sāvattiyam paṭivasanti. te'pi maṃ jānissanti: 'bhaddāli nāma bhikkhu satthusāsane sikkhāya aparipūrakārī'ti. ayampi kho te bhaddāli samayo appaṭividdho ahosi.

10. samayo pi kho te bhaddāli appaṭividdho ahosi: sambahulā kho upāsikā sāvatthiyaṃ paṭivasanti. tā'pi maṃ jānissanti: bhaddāli nāma bhikkhu satthusāsane sikkhāya aparipūrakārī'ti. ayampi kho te bhaddāli samayo appaṭividdho ahosi.

11. samayo'pi kho te bhaddāli appaṭividdho ahosi: sambahulā kho nānā titthiyā samaṇabrāhmaṇā sāvatthiyaṃ vassaṃ upagatā, te'pi maṃ jānissanti: 'bhaddāli nāma bhikkhu samaṇassa gotamassa sāvako therāṇṇatara satthusāsane sikkhāya aparipūrakārī'ti. ayampi kho te bhaddāli samayo appaṭividdho ahosīti.

12. accayo maṃ bhante accagamā yathābālaṃ yathāmūlhaṃ yathā akusalaṃ, yo'haṃ bhagavatā sikkhāpade paññāpiyamāne bhikkhusaṅghe sikkhaṃ samādiyamāne anussāhaṃ pavedesiṃ. tassa me bhante bhagavā accayaṃ accayato patigaṇhātu āyatim saṃvarāyāti, taggha tvam bhaddāli accayo accagamā yathābālaṃ yathāmūlhaṃ yathāakusalaṃ yaṃ tvam mayā sikkhāpade paññāpiyamāne bhikkhusaṅghe sikkhaṃ samādiyamāne anussāhaṃ pavedesi.

13. taṃ kiṃ maññasi bhaddāli: idhassa bhikkhu ubhatobhāgavimutto, tamahaṃ evaṃ vadeyyaṃ: 'ehi me tvam bhikkhu paṅke saṅkamo hohī'ti. apinu so saṅkameyya vā aññena vā kāyaṃ sannāmeyya, noti vā vadeyyāti. no hetam bhante. taṃ kiṃ maññasi bhaddāli:

'idhassa bhikkhu paññāvimutto, tamahaṃ evaṃ vadeyyaṃ: 'ehi me tvaṃ bhikkhu pañke saṅkamo hohī'ti. apinu so saṅkameyya vā aññena vā kāyaṃ sannāmeyya, noti vā vadeyyāti. no hetam bhante. taṃ kiṃ maññasi bhaddāli: idhassa bhikkhu kāyasakkhī, tamahaṃ evaṃ vadeyyaṃ: 'ehi me tvaṃ bhikkhu pañke saṅkamo hohī'ti. apinu so saṅkameyya vā aññena vā kāyaṃ sannāmeyya, noti vā vadeyyāti. no hetam bhante. taṃ kiṃ maññasi bhaddāli: idhassa bhikkhu diṭṭhappatto, tamahaṃ evaṃ vadeyyaṃ: 'ehi me tvaṃ bhikkhu pañke saṅkamo hohī'ti. apinu so saṅkameyya vā aññena vā kāyaṃ sannāmeyya, noti vā vadeyyāti. no hetam bhante. taṃ kiṃ maññasi bhaddāli: idhassa bhikkhu saddhāvimutto, tamahaṃ evaṃ vadeyyaṃ: 'ehi me tvaṃ bhikkhu pañke saṅkamo hohī'ti. apinu so saṅkameyya vā aññena vā kāyaṃ sannāmeyya, noti vā vadeyyāti. no hetam bhante. taṃ kiṃ maññasi bhaddāli: idhassa bhikkhu dhammānusārī, tamahaṃ evaṃ vadeyyaṃ: 'ehi me tvaṃ bhikkhu pañke saṅkamo hohī'ti. apinu so saṅkameyya vā aññena vā kāyaṃ sannāmeyya, noti vā vadeyyāti. no hetam bhante. taṃ kiṃ maññasi bhaddāli: idhassa bhikkhu saddhānusārī, tamahaṃ evaṃ vadeyyaṃ: 'ehi me tvaṃ bhikkhu pañke saṅkamo hohī'ti. apinu so saṅkameyya vā aññena vā kāyaṃ sannāmeyya, noti vā vadeyyāti. no hetam bhante. taṃ kiṃ maññasi bhaddāli: 'api nu tvaṃ bhaddāli tasmim samaye ubhato bhāgavimutto vā hosi, paññāvimutto cā kāyasakkhī vā diṭṭhappatto vā saddhāvimutto vā dhammānusārī cā saddhānusārī vāti. no hetam bhante. nanu tvaṃ bhaddāli tasmim

samaye ritto tuccho aparaddho'ti. evaṃ bhante. accayo maṃ bhante accagamā yathābālaṃ yathāmūlaṃ yathā akusalaṃ, yo haṃ bhagavatā sikkhāpade paññāpiyamāne bhikkhusaṅghe sikkhaṃ samādiyamāne anussāhaṃ pavedesi. tassa me bhante bhagavā accayaṃ accayato patigaṇhātu āyatim saṃvarāyāti.

**14.** taggha tvaṃ bhaddāli accayo accagamā yathābālaṃ yathāmūlaṃ yathā akusalaṃ yaṃ tvaṃ mayā sikkhāpade paññāpiyamāne bhikkhusaṅghe sikkhaṃ samādiyamāne anussāhaṃ pavedesi. yato ca kho tvaṃ bhaddāli accayaṃ accayato disvā yathādhammaṃ paṭikarosi. taṃ te mayaṃ patigaṇhāma. vuddhi hesā bhaddāli ariyassa vinaye yo accayaṃ accayato disvā yathādhammaṃ paṭikaroti, āyatim saṃvaram āpajjati.

**15.** idha bhaddāli ekacco bhikkhu satthusāsane sikkhāya aparipūrakārī<sup>4</sup> hoti, tassa evaṃ hoti: yannūnāhaṃ vivittaṃ senāsanam bhajeyyaṃ, araññaṃ rukkhamaṃ pabbataṃ kandaraṃ giriguhaṃ susānaṃ vanapatthaṃ abbhokāsaṃ paḷālapuñjaṃ. appevanāmaṃ uttarimanussadhammā alamariyañāṇadassanavisesaṃ sacchikareyyanti. so vivittaṃ senāsanam bhajati, araññaṃ rukkhamaṃ pabbataṃ kandaraṃ giriguhaṃ susānaṃ vanapatthaṃ abbhokāsaṃ paḷālapuñjaṃ. tassa tathā vūpakaṭṭhassa viharato satthā'pi upavadati. anuvicca pi viññū sabrahmacārī upavadanti. devatā'pi upavadanti. attāpi attānaṃ upavadati. so

---

pts page 440

<sup>4</sup>satthusāsane aparipūrakārī hoti (pts)

satthārā'pi upavadito anuvicca viññūhi sabrahmacārīhi upavadito devatāhi'pi upavadito attanā'pi attānaṃ upavadito na uttarimanussadhammā<sup>5</sup> alamariyañāṇadassanavisesaṃ sacchikaroti. taṃ kissa hetu: evaṃ hetam bhaddāli hoti, yathā taṃ satthusāsane sikkhāya aparipūrakārissa.

**16.** idha bhaddāli ekacco bhikkhu satthusāsane sikkhāya paripūrakārī hoti, tassa evaṃ hoti: yannūnaṃ ham vivittaṃ senāsanaṃ bhajeyyaṃ, araññaṃ rukkhamaṃ pabbataṃ kandaraṃ giriguhaṃ susānaṃ vanapatthaṃ abbhokāsaṃ paḷālapuñjaṃ. appevanāmaṃ ham uttarimanussadhammā alamariyañāṇadassanavisesaṃ sacchikareyyanti. so vivittaṃ senāsanaṃ bhajati, araññaṃ rukkhamaṃ pabbataṃ kandaraṃ giriguhaṃ susānaṃ vanapatthaṃ abbhokāsaṃ paḷālapuñjaṃ. tassa tathā vūpakaṭṭhassa viharato satthā'pi na upavadati. anuvicca pi viññū sabrahmacārī na upavadanti. na devatā'pi na upavadanti. attā'pi attānaṃ na upavadati. so satthārā'pi anupavadito anuvicca viññūhi sabrahmacārīhi anupavadito devatāhi'pi anupavadito attanā'pi attānaṃ anupavadito uttarimanussadhammā alamariyañāṇadassanavisesaṃ sacchikaroti.

**17.** so vivicceva kāmehi vivicca akusalehi dhammehi savitakkaṃ savicāraṃ vivekaṃ pītisukhaṃ paṭhamam jhānaṃ upasampajja viharati taṃ kissa hetu: evaṃ

<sup>5</sup>uttariṃ manussadhammā (syā)

bjt page 180

pts page 441

hetam bhaddāli hoti yathātam satthusāsane sikkhāya paripūrakārissa.

**18.** puna ca param bhaddāli bhikkhu vitakkavicārānam vūpasamā ajjhattam sampasādanam cetaso ekodibhāvam avitakkaṃ avicāraṃ samādhijam pītisukhaṃ dutiyam jhānam upasampajja viharati. tam kissa hetu: evam hetam bhaddāli hoti yathā tam satthusāsane sikkhāya paripūrakārissa.

**19.** puna ca param bhaddāli bhikkhu pītiyā ca virāgā upekkhako ca viharati. sato ca sampajāno sukhañca kāyena paṭisaṃvedeti. yantam ariyā ācikkhanti upekkhako satimā sukhavihārīti, tatiyam jhānam upasampajja viharati. tam kissa hetu: evam hetam bhaddāli hoti yathātam satthusāsane sikkhāya paripūrakārissa.

**20.** puna ca param bhaddāli bhikkhu sukhassa ca pahānā dukkhassa ca pahānā pubbeva somanassadomanassānam atthaṅgamā adukkhaṃ asukhaṃ upekkhā satipārisuddhiṃ catuttham jhānam upasampajja viharati. tam kissa hetu: evam hetam bhaddāli hoti yathātam satthusāsane sikkhāya paripūrakārissa.

**21.** so evam samāhite citte parisuddhe pariyodāte anaṅgaṇe vigatūpakkilese mudubhūte kammaniye ṭhite āneñjappatte pubbenivāsānussatiñāṇāya cittaṃ abhininnāmeti. so anekavihitam pubbenivāsam anussa-



rati, seyyathīdam: ekampi jātiṃ dvepi jātiyo tissopi jātiyo catassopi jātiyo pañcapi jātiyo dasapi jātiyo vīsātimpi jātiyo tiṃsampi jātiyo cattārīsampi jātiyo paññāsampi jātiyo jātisatampi jātisahassampi jātisatasahasampi anekepi saṃvaṭṭakappe anekepi vivaṭṭakappe anekepi saṃvaṭṭavivaṭṭakappe amutrāsiṃ evannāmo evaṅgotto evaṃvaṇṇo evamāhāro evaṃsukhadukkhaṭṭisaṃvedī evamāyupariyanto. so tato cuto amutra udapādiṃ tatrāpāsiṃ evannāmo evaṅgotto evaṃvaṇṇo evamāhāro evaṃsukhadukkhaṭṭisaṃvedī evamāyupariyanto. so tato cuto idhūpapanno'ti. iti sākāraṃ saudesaṃ anekavihiṭṭaṃ pubbenivāsaṃ anussarati. taṃ kissa hetu: evaṃ hetam bhaddāli hoti yathā taṃ satthusāsane sikkhāya paripūrakārissa.

**22.** so evaṃ samāhite citte parisuddhe pariyodāte anaṅgaṇe vigaṭūpakkilese mudubhūte kammaniye ṭhite āneñjappatte sattānaṃ cūṭūpapātaññāya cittaṃ abhininnāmeti. so dibbena cakkhunā visuddhena atikkantamānusakena satte passati cavamāne upapajjamāne, hine pañīte suvaṇṇe dubbaṇṇe sugate duggate yathā-kammūpage satte pajānāti. ime vata bhonto sattā kāyaduccaritena samannāgatā vacīduccaritena samannāgatā manoduccaritena samannāgatā ariyānaṃ upavādakā micchādiṭṭhikā micchādiṭṭhikammasamādānā, te kāyassa bhedaṃ parammaraṇā apāyaṃ duggatiṃ vinipātaṃ nirayaṃ upapannā, ime vā pana bhonto sattā kāyasucaritena samannāgatā vacīsucaritena samannāgatā manosucaritena samannāgatā ariyānaṃ anupa-

vādakā sammādiṭṭhikā sammādiṭṭhikammasamādānā, te kāyassa bheda parammaraṇā sugatiṃ saggaṃ lokaṃ upannā'ti. iti dibbena cakkhunā visuddhena atikantamānusakena satte passati cavamāne upapajjamāne hīne paṇīte suvaṇṇe dubbaṇṇe sugate duggate yathākammūpage satte pajānāti. taṃ kissa hetu: evaṃ hetam bhaddāli hoti yathā taṃ satthusāsane sikkhāya paripūrakārissa.

**23.** so evaṃ samāhite citte parisuddhe pariyodāte anaṅgaṇe vigatūpakkilese mudubhūte kammaniye ṭhite āneñjappatte āsavānaṃ khayañāṇāya cittaṃ abhininnāmeti. so idaṃ dukkhanti yathābhūtaṃ pajānāti. ayaṃ dukkhasamudayoti yathābhūtaṃ pajānāti. ayaṃ dukkhanirodhoti yathābhūtaṃ pajānāti. ayaṃ dukkhanirodhagāminīpaṭipadāti yathābhūtaṃ pajānāti. ime āsavāti yathābhūtaṃ pajānāti. ayaṃ āsavasamudayoti yathābhūtaṃ pajānāti. ayaṃ āsavanirodhoti yathābhūtaṃ pajānāti. ayaṃ āsavanirodhagāminīpaṭipadāti yathābhūtaṃ pajānāti. tassa evaṃ jānato evaṃ passato kāmāsavā pi cittaṃ vimuccati. bhavāsavāpi cittaṃ vimuccati. avijjāsavā pi cittaṃ vimuccati. vimuttasmiṃ vimuttamiti ñāṇaṃ hoti. khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyāti pajānāti. taṃ kissa hetu: evaṃ hetam bhaddāli hoti yathā taṃ satthusāsane sikkhāya paripūrakārissā'ti.